

det es nicht. Auch vnterweilen liegt ein feistes darin / darzu man dis; rein Birckenöl von der Rinden unterlich gebrant / wie man das Beck-Holderhelsel brennt/ sprühen/ vnd Eichlein dar-ein neken/ vnd darein gesteckt/ das Resolviers/ vnd treibts alles heraus / bis es heil ist. So es aber zu sharpf wäre das Oel/ so muß mans mit Braunwurzelwasser mildern. Also geungsam von diesen Schäden.



## Phlegmatische Schäden/ von wässriger Feuchtig- keit.

### Das I. Capitel.

**H**iese Schäden seind anders nichis/ dann ein faules ersticktes Wasser/ darzu dann gemeinglichen in der Erstickung zwischen Fell vnd Fleisch eine Salsedische Art von der musculen . vnd vnterweilen auch von den Arterien ein gesalzenes Flüsslein sich mit eimischer/ auch so kompts oft daß solche wässrige Feuchtigkeit eine feiste Art an sich nimet/ welche gar böß zu heilen seind/ vnd welcher die Resolution nicht weiß der feisten/ von seiner ersten generation , der kan ihm nicht

Sij haf-

helfen / auch so kompts vnterweilen / das einer  
feiste mastige Schenkel hat / vnd von den mu-  
sculis ein giftige Sälslein darzu kompt / vnd das  
gibt ein beißen in dem eussersten der Haut / vnd  
wann sie es also jucket / so kräzen sie es / vnd wird  
also ein offener Schad darauff.

Auch so kommen solche Schäden zu weilen /  
wann eins sich stößt / gefähr oder vngesähr / vnd  
die Balbierer legen Pflaster darauff / die zu hirig  
seyn / welche Pflaster satt an sich ziehen / vnd  
Feuchtigkeit / wie das dann der Gallstichtigen  
brauch ist / dann solche Substanz zeucht wässerige  
Feuchtigkeit an sich / welche es haben müß.

Auch kompts biszweilen / daß die vngelernte  
Öölpel / die feiste des Schadens nicht verstehen /  
vnd die Mastigkeit der Feuchtigkeit / vnd legen  
Pflaster von Fleistem darauff / vergiffen also mit  
der Feistigkeit das Fleisch vnd den Flus / dann  
solche wässerige Schäden seynd von ihnen selber  
nicht / sondern von einer Iorinischen flüssigen /  
warmlichten Feuchtigkeit / welche allezeit eine  
Mastigkeit in sich hat. Darnach heben sie an  
vnd ezen / wollen das geil Fleisch auferzen / brau-  
chen hirige Corrosiven / vnd ezen die ding / wel-  
che Gallstichtig seyn / mit einem scharyffen fres-  
genden Sals / entzünden also das Geäder / auch  
vnterweilen das Blut / vnd machen ein bösen /  
Gallstichtigen / giftigen Schaden. Die andern  
Schäden aber die da kalt seyn / eine grüne in sich  
haben / vnd innerlich kalt seynd / auch die Ranftie  
auf-

aufwendig herumb / die gehören alle zu dem  
Wolff/ zu den Melancholischen Schäden.

Das II. Capitel.

**N**ach diesen Schäden aber muß man anders  
Zu nichts brauchen dann Simplicia Mercuria-  
lia. dieselben seyn in der Substanz / oder in  
der Form / oder in allen beyden / in der ersten  
Materien seynd sie am besten vnd edelsten / dann  
sie helfen gewaltiglich / vnd von grund auf / vnd  
ist ein schlechter Weg / vnd seyn schlechte Curen/  
welche von jederman veracht werden. Hieher  
gehören diese Simplicia. Maurpfesser zu Aschen  
gebrant / vnd darein gezettelt / heilet gar geschwind  
die neuen vnd frischen Wunden vnd Schäden  
der Schenkel / solches thut auch Haufwurzel /  
zu Pulver gebrennt vnd darein gezettelt / aber die  
kleine Haufwurzel gehet für sie alle / die auff  
den Dächern wächst / vnd gelbe blüet hat / Man  
soll diese Simplicia nicht Colligiren / allein wann  
Sonn vnd Mond im Krebs ist / im Brachmo-  
nat / so sie in ihrer höchsten Uliet ist. So aber  
solche Kräuter bitter seyn / so sind sie furtrefflich /  
vnd ist nichts über sie / als die kleine Haufwur-  
zel / vnd Krebskraut / auch der Raken König zu  
Pulver gebrennet / gehört auch hieher: Auch alle  
Fischbein / aufgenommen Hechtenbein / gehö-  
ren zu dem Milk vnd Sals im dritten Grad des  
Krebs / diese Ding alle achören in den dritten  
Grad des Krebs / oder Mercurij / aber die bit-

p 111 tern/

tern / als Krebskraut/ klein Haufwurzel/ gehören alle in den vierdten Grad/ vollkommenlich/ auch der Raken.Rötig / dann diese im vierdten grad heilen alte Fisseln/ sie seyen an Schenkeln/ Repff/Mant vnd Hals/ wo sie wöden. Hieher gehören auch die Eisvögel zu Pulver gebrennt im vierdten grad / aber der Reijer gehört in den dritten grad des Krebs / zu Pulver gebrennt/ mit aller Substanz. Diese Pulver muß man alle ganz trucken halten / dann so bald die feuchte seyn/ so sterben sie ab/ vnd thun nichts mehr. Zu diesen Kräutern gehört auch die Holderschwamme/ die hochlobliche Missel der Feuchtenbäume/ welche doch zusehenlich/ zu Pulver gemacht/ solche Schäden heilet wann man auf diesen Misseln/ mit Reijerschmalz wel aufgesetzen / ein Balsam eingesetzt / wann die Sonn im Merzen im Widder geht / vnd lasset es also stehen in einem feuchten Ort/ bis die Sonn im Krebs geht/ stets alsdann hinaus an die Sonne / lasset also stehen neun Wochen / darnach behalten dis vnd streichen diesen Balsam in den Schaden / oder wem selches widerfahret / aufwendig vmb den Schaden herumb/ doch nicht in Schaden / vnd sonderlich über den Schaden hinauff einer spannen weit auf die Adern die inflamirt seyn / es leset das Geader vnd Dampff / darauf dann der Fluß kommt/ dann dieser Dampff kommt von einer Gallenziündung / vnd solche Schäden seynd anders nichts/ dann ein Enziündung einer fasschen

falschen Gall / in der Mercurialischen Substanz.

### Das III. Capitel.

**B**Je muß ich E. Churf. Gn. ein Unter-  
richt geben vnd Regel/ die warhaftig seyn/  
aus der Natur/ Substanz vnd Art/ vnd  
welcher mit solchen Dingen wil vmbgehen / der  
muß das vorhin wissen/ ob einem Nagel/ wie das  
Sprichwort ist/ ad unguem scire, sonst ist nichts  
fälsschers/ grausamer / Mörderischer / in allen  
Krankheiten/ das nicht zuwissen/ vnd sind also  
vier Regel/ wie die erzehlt seyn in dem Büchlein  
von den vier Materien/ vnd diß ist der warhaftig  
Grund/ der nicht irren kan.

Vnd seynd also/ daß das Gehirn/ Lungen/  
Nerven / vnd alles weisse Geäder/ Sennader/  
vnd was dergleichen ist/ die ihren Ursprung ha-  
bi von dem Hirn / Lungen / oder Geäder/  
Ficht/ oder was dergleichen ist/ die gehören alle  
unter den Geist des Krebs. Auch die weisse  
menbra des Magens/ auch zum theil die Lung/  
Unter die ander Materi des Krebs / als unter  
dem Scorpion. Die kleine Gedärme aber / die  
Pflematicher Substanz seynd / Blas/ Inte-  
stinum flatulentum, gehören alle unter die dritte  
Materi des Fisches. Diese ding haben ihren Ur-  
sprung ille vom Hirn/ Geäder/ Lungen/ vnd  
köndten verfälscht werden / dann allein durch  
seine gegn Erbfeind / der schwefelischen Feuch-

P iii tigkeit

tigkeit vnd Materi/ als da ist die Gall / vnd was von ihr kompt / wie das gesagt wird/ werden in dem Buch de Tartaro, Calculo, & Calce urenti vnd also eine Materi wider die ander / als die erste Materi des Schürzens wider die erste Materi des Krebs/ die ander Materi des Widders/ wider die Materi des Scorpions/ die dritte Materi des Löwens / wider die dritte materi des Fisches Et econtra, werden die Schäden des Fisches gefärbet wie ein Berill / die Schäden des Scorpions wie ein Schmaragd grünlich/ die schädē des Krebs wie ein Ametist/ vnd widerumb des Schürzens wie ein Chrysoltius/ die schädē des Widders/ wie ein Hiacinct/ die schäden des Löwen/ wie ein Calcidonier/ vnd diß ist ein ewiger Streit.

## Das IV. Capitel.

**D**ergleichen kan nichts widerfahret der Leber/ Hader/ vnnid allen Bltadern des ganzen Leibs. Dannwie Leber ist unter dem Zeichen der Waag / in em Geist Jovis/ im höchsten Grad. Die Hader mit allen ihren Aesten durch den ganzen Leib/ ist unter dem Wassermann in der anderen Materien/ die Ruckader/ Rosader seind vnter dem Zwilling/ vnd dardurch das Menstruum geführet wird / gehören all unter die dritte Materi des Zwilling/ vnd können solche Geäder nicht verfälschet werden / allein von der Saturnischen giftigen Art/ was unter der Waagen ist/ von

von dem Stier vnd seinem falschen Geist / als  
die Leber / was vor Falschheit geschicht in der Höl-  
ader vnd Blutader durch der Jungfrauen fal-  
schen Geist vnd Materi / vnd Ruckadern / Men-  
struum , vnd was dergleichen ist / durch den  
Steinbock / vnd solche Krankheit auf dem  
Steinbock gewinnet eine grüne rötlische Materi  
in dem Geäder ein Bißl vnd Gelsucht / in der  
Leber färblich vnd dergleichen / vnd econtra. So  
der Stier vergiffet wird / der Herrlust vnd Ar-  
terien / so wird der Mensch grün schwartz / wie  
ein Sardius in den schäden / vnd Rückgrad / vnd  
Milz / blau / weiß / bleich vnd schwärzlich / in  
dem Milz äschenfarbig. Dann das Herze / mit  
allen seinen Arterien durch den ganzen Leib auf/  
gehören alle vnter den Stier / vnd sonderlich die  
Arteria welche auf dem Herzen geht / vnter dem  
Magen / zu mittten in dem schoß der Leber gip / um  
hepatis genannt / die gehören vor allen dingen  
heher / durch welche primus motus radices gibe  
sanguint , davon jetzt nicht zu reden ist / son-  
dern in den Büchern Microcosmu cum Micro-  
cosmo , & econtra arteria magna in pulmone  
& aspera , vnd was zu den Elementen gehört /  
die gehören alle vnter secundam materiam Vir-  
ginis , die Milz Arterien / vnd was hinauß zu der  
digestion hilfft / gehört vnter die dritt Materi des  
Steinbocks / vnd auch die Nieren zum theil. Da-  
rum muß man wissen / daß E. Churf. Gn. rech-  
bericht wird / zuerst das Ort oder Glied das da-

P v              leidet /

leidet/ iſt am Schinbein / welches unter dem  
Wassermann iſt / vnd iſt ein wäſſriger Schad/  
ſo gedenkt nicht anders / als das ein giftig Sul-  
phurisch / Schwefelhaftige / ſalzige Feuchtigkeit  
iſt darzu geſchlagen / vnd diſt darumb / die wäſſe-  
rige Feuchtigkeit die ſich dahin geſetzt hat / die gibt  
ven ihr ſelbs kein Schaden / ſie werde dann durch  
euerliche ding darzu gezwungen / als durch wü-  
lken Euch / vnd hirige Pflaster / die da Gallſuchtli-  
ge Materi in ihnen haben / entzünden den Scha-  
den / vnd das vmb der Gallſucht willen / dann ſie  
iſt dieser Feuchtigkeit ganz vnd gar giftig vnd  
auffſärig / dardurch dieser Schad flüssig wird/  
vnd folgt. Also viel von diesem Schaden.

Vnd diſt geſchicht durch den falschen Geiſt  
des Widders / welches wol zu heilen iſt durch das  
Sympatichraut Mercurialisch / ſo mans dar-  
auff legt / oder mit geringem Wein vnd Wäſſer-  
ſeynd gewaſchen / vnd darnach darauff geschla-  
gen / zum Tag zweymal / es heilet in einem hu-  
mīnweg / dann der Schad vnd Materi ſeind auf  
einer andern Materi des Widders vnd Scorpions /  
Aber foſches iſt nicht genug zuwiffen / ſonder  
man muß auch wissen / daß das Sympatische Zei-  
chen des Wassermanns / als ein Hünlich Zeichen /  
das Schinbett regiert / darumb daß es unter dem  
Wassermann iſt / vnd unter dem Geiſt Jovis / ſo ſe-  
re ihm den falschen Geiſt vnd Materi Viciatoris /  
unter der Jungfrauen / vmb des Jovis Geiſt vnd  
Materi will / darunib man ſeund muß auffſchehe/  
daß

dass kein kalter Brand darzu schlage / dann die Hitze in solchen Schäden gerne in die trückne schlägt / dann wo der Saturnus mit seinem Geist vnd Materien den Geist Jovis verfälschen kan / thut ers mit Krafft vnd Macht / und reift sie an sich mit Gewalt.

Derohalben muß man die Arzney also segen / der Schad sei so groß als er wöll / so nimbt auf der andern Materi des Wassermanns vnd Scorpions die Arzney / dass das eine das Glied behütet / und erhalte das unter dem Zeichen geboren sei / darunter das Glied ist. Solches ist Alantwurzel vnd Kraut / auch Pappellen vnd Syngimarskraut / wie danit in der andern Materi Jovis verzeichnet ist. Dieser eins nimme zwey theil / Mercurius oder Bingelkraut drey theil / als drey handvoll / geringen weissen Wein vier Kandel frisch Brunnenwasser sechs Kandel / lass es zugedeckt langsam vnd wol sieden / darnach lass ihm die Schenkel von oben herab streichen / vnd waschen mit diesem Wasser trefflich wol / vnd darnach das Bingelkraut warm darauff geschlagen allenthalben über den Schaden zwey theil vnd der Alantwurzel ein theil / oder der anderit Kräutern eins / welches ihr darzu genommen habt / auf dem Geist Jovis der andern Materi / das thut alle Tag zweymal / Abends vnd Morgens / vnd allemal warme Tücher darüber gebunden / bis er heil ist / vnd noch drüber / aber starcke Wein soll er meiden / vnd was solche Flüss macht. Ich  
hab

hab aber vor zweyen Jahren dem Herrn Schorram Janassam sieben vnd dreyssig offene Schäden an einem Schenkel / welche er lange zeit gehabt / geheilset / wiewol er sich gar nichts gehalten hat / sonder die starcke Ungerische Wein getruncken / Melonen gessen / vnd durchaus gethan / was der Natur vnd Krankheit zu wider ist / in Hundstagen ist in vier Wochen heil worden von Grund aus. Dß Wasser also bereit / thut wunderbarliche ding / doch wer es gut wol halten zur Beständigkeit / vnd so den Weibern vnd Männern solche Schäden auffzuführen an Schinbeinen / so mögen sie es mit heilen. Ist aber ein Fissel darbey / so muß man Fischbein / gebrant zu Pulver / darein zettelen / oder Krebschalen zu Pulver brennen / oder Krebskraut / wie das zuvor gesagt / vnd was dergleichen ist / auch das Ringelskraut zu Pulver gebrant / vnd die Aschen darein gezettelt / auch die Wasserschwämme zu Pulver gebrant / vnd darein gezettelt nach dem waschen / wann das Kraut ein Stund darauff gewesen ist / auch Rohrwurzel Pulver / vnd was dergleichen ist / die fürnembsten aber unter diesen allen ist das Krebskraut Pulver / Räzenkönig Pulver mit den kleinen gelben Blumen.

## Das V. Capitel.

**W**u ist zu wissen / daß ewian ein Schad  
in die Zähn oder Fuß fällt / vnd ent-  
zünd einen gar / dß er meynet / er müsse  
von

von Sinnen kōmen/ solche schäden gehēren un-  
ter den Cineratorem in den dritten grad / Sie  
fahen gemächtlich an/ thun je länger je würscher/  
verbrennen den Nagel hinweg / ist gar ein jäm-  
merlicher grausamer Schinerz / thut so wehe/  
das ihm gar toll macht/ vnd kompt gern das wilde  
Fever auf solchen Schäden / ist ein Hurnkind  
des Löwens in der dritten Materi / dem muß  
man auch auf der dritten Materien helffen / des  
Fisches / vmb der Einführung willen aber / so  
muß ihr Hönig / das wol mit Wasser versotten  
ist/ vnd gereiniget/ vnd Stieffnütterleinwasser/  
oder Haufwurzwasser / oder Binglekrautwas-  
ser/ vnd was dergleichen ist / nemet zween theil/  
Hönig ein Nössel / des Wassers zwey / Scheiß-  
maldtenkraut/oder ein anders/das in der dritten  
Materien steht des Krebs / oder Mercurii an-  
derthalb handvoll/je grünner je besser/ lass es weich  
sieden/ darnach wider abkühlen/vnd streichs auf  
ein Pfaster/ das schlage vmb den Schaden / so  
wird es geschwind besser / man muß aber darob  
wol acht haben / welches zum höchsten nothwen-  
dig ist zuwissen / vmb auf die rechte Seit zu jäh-  
len/ nach dem rechten Proces / als wann es ein  
solcher Schad ist/ da die Substanz vnd Kranck-  
heit beyde unter einem Zeichen seyn / vnd ange-  
griffen werden / durch ihren Erbfeind als von  
der Gall / das man des Geists ( der ihm geneigt  
ist ) Natur an sich ziehe / vnd das nach der rech-  
ten Hand auf die lincke Hand / gibt es von sich  
selbst

selbst / vnd kan iyr nicht soviel schaden / als der  
auff der rechten Hand / das man darauff ein  
Kraut nimbt / oder ein Simplex / wie das Hönig  
ist / vnd bereit das mit einem Mercurialischen  
Wasser / das seine Hise vnd Grobheit der Sub-  
stanz ihme genommen werde. Also wird es kräf-  
tig dieses Erbfeindes Natur auff sich nemen / al-  
so wird der Sachen allezeit trefflich wol geholffen  
vnd gerathen.

Auch ist ein selkames Mittel hierzu zu brau-  
chen / gegen der lincken Hand / vnd solche Schä-  
den / wann sie flüssig seyn / das man ihre engene  
Substanz die kalt vnd feucht ist / in ein trückene  
reibet / als da seynd alle Mispeln von Apfelsäu-  
men / Fichtenbäumen / auch solche Kräuter in  
sich selbst zu Pulver brennt / in die Schäden ge-  
setzelt / es nimmet alle gegenwärtige Flüss vnd  
Feuchtigkeit an sich / vnd hilfft seinem Mitbruder /  
vnd also werden die Schäden geheylt vnd aufge-  
trücknet.

## Das VI. Capitel.

**S**o solche Fisteln wären in einem Knie,  
so müste man diese zwey zusammen se-  
hen / als zwey theil von Krebsstraups-  
ver / vnd ein theil vom Steinbock / als seynd Ei-  
chenRinden / Maulwersspulver / oder Spinn-  
weben / oder Eichen Mispeln ein theil / oder Fe-  
derkraut / vnd was dergleichen ist / wie im Buch  
von der Materien gesetz ist / vnter dem Stein-  
bock